

# **REFERAT SAA- Sanarfinermut Avatangiisinullu Ataatsimiititaq d. 30-10-2021**

**Mødedato** Lørdag d. 30. oktober 2021 kl. 13:00

**Mødested** Danmarkimi ataatsimiittarfik

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Kommunimut pilersaarummut tapiliussatut siunnersuut 3A9-1 Nuussuup Manngua, Nuuk.....	6
Kommunimut pilersaarummut tapiliussassatut siunnersuut 3B2-2, Inuussutissarsiuqarfik Nukappi	9
Siunnersuut - 2D1, Nuussuup kujammut Nuua, Nuuk.....	12
Kommunimut pilersaarummut tapiliussamut 4B7-1 Niaqornannguaq Nuuk siunnersuut.....	15
Tasiilami illunik isaterinissaq.....	18
Oqaluuserisassanut tapiliussaq: 2022-mi politikkikkut ataatsimiiffissat.....	21
Lukket.....	23
Lukket.....	24
Lukket.....	25
Lukket.....	26
Lukket.....	27
Lukket.....	28
Taasariaqartut allat.....	29
Imaqarniliap akuerineqarnera.....	30

## **Punkt .: Saqqaa**

### **Ilaasortat**

Justus Hansen (D), siulersuisoq

Uju Petersen (IA)

Lone Rosengreen Pedersen (IA)

Naya-Sophia Lyberth (IA)

Peter Davidsen (S)

**Punkt .: Oqaluuserisassat akuersissutigineqarneri**

**Punkt .: Nalunaarutit**

# **Punkt 1: Kommunimut pilersaarummut tapiliussatut siunnersuut 3A9-1 Nuussuup Manngua, Nuuk**

**Beslutning**

**Bilag**

Kommunimut pilersaarummut tapiliussassatut siunnersuut 3A9-1 Nuussuup Manngua, Nuuk

## **Kommunimut pilersaarummut tapiliussatut siunnersuut 3A9-1 Nuussuup Manngua, Nuuk**

Inissiat inuusuttunut utoqqarnullu naatsorsuussat

Aalajangiiffigisassaq

SagsID.: EMN-2021-12734

Sanarfinermut Avatangiisinullu Ingerlatsivik – pisortaagallartoq Alex Nørskov / ALNS

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 3A9-1 Nuussuup Manngua, Nuuk, akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuusutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Kommunimut pilersaarummut tapiliussassatut siunnersuummi 3A9-1-mi Nuussuarmi inuusuttunut utoqqarnullu naatsorsuussanik inissialiornissamut periarfissiisoqassaaq, taannalu marsip ulluisa aappaanni 2021-imi kommunalbestyrelsimut akuersissutigineqarpoq.

Pilersaarummi immikkoortoq nutaaq inissialiorfissatut immikkoortinneqarpoq 3A9, 3C2 aamma 3C5 ataatsimoortinnerisigut 3A4 aamma 3D1-ip ilaatut.

3C2 aamma 3C5 ullumikkut vandrehjemmiliorfissatut oqaluffiliorfissatullu immikkoortinneqarnikuugaluarput.

3A4 Siaqqinnerup kangiani inissiaqarfiuvoq.

3D1 sanaartorfioqqusaanngilaq, Annersuaq/ Angajua kaajallallugu.

Immikkoortup ilaa nutaaq immikkoortut ilaannut pingasunut agguataarneqassaaq:

Immikkuualuttoq 1: Peter Thårup Høeghip Aqq kujataata tungaani Nuussuullu kitaatungaani inissisimavoq. Tassani sanaartorfissat sisamat tikillugit qulereeqartussanik inissialiorfissat arfineq pingasut immikkoortinneqarput.

Immikkuualuttoq 2: Peter Thårup Høeghip Aqq. avannaata tungaani, tamaani Siaqqinneq allanngortitissaaq kaajallattarissamillu pilersitsisoqarluni. Tamaani sisamanik quleriinnik sisamat tikillugit portussusilinnik inissialiornissamut immikkoortitsisoqassaaq.

Immikkuualuttoq 3: Sumiiffiup Annersuaq/ Angajua avannamut kimmut ilaani. Tamaani sanaartorfissaq ataaseq immikkoortinneqarpoq, qitiusoqarfimmik sanasoqarsinnaavoq quleriit pingasut tikillugit portussusilimmik.

Pilersaarutitut siunnersuutip tamanut tusarniaassutigineqarneranut atatillugu Biskoppeqarfik, Qeqqani Tunumilu Provsti, Ilageeqarnermut Naalakkersuisoqarfik pilersaarummillu piginnittut ataatsimeeqatigineqarsimapput, immikkoortup ilaani 3C2-mi oqaluffiliorfissatut ataatsimeeqatigineqarsimapput, immikkoortup ilaani 3C2-mi oqaluffiliorfissatut ataatsimeeqatigineqarsimapput, immikkoortup ilaani 3C2-mi oqaluffiliorfissatut ataatsimeeqatigineqarsimapput, immikkoortup ilaani 3-mi qiterisaqarfiliornissamut atatillugu oqaluffiliorfissaqarnissaa pillugu pitsaasumik aaqqiissuteqartoqarnissaanut isumaqatigiissuteqartoqarpoq.

Pilersaarummi inissialiornissat saniatigut pineqarput najugallit eqqaamiusalumi sukisaarsarfissaannik pilersitsinissaq. Matumani pineqarput basketball-ertarfik, uninngaartarfiit aammalu qitiusoqarfik

### **Ingerlatsivimmit aningaasatigut sulisoqarnikkullu naliliinerit**

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq. Sanaartugassatut qinnuteqaatip akuersissutigineqarneranut atatillugu nunaminertamik inniminniineq tunngavigalugu kommunimut pilersaarummut tapiliusaaq suliarineqarpoq.

Pilersaarutitut siunnersuummi sanaartorfissagissaanissaq il. il. pilersaarummik piginnittup akilissavaa. Aamma taamaappoq aqquserngup allangortinneqarnissaanut atatillugu nutaamillu kaajallattarfiornissamut tunngatillugu.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaaq allakkallu tunngaviusumik uppersaataatallit**

- Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-meersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussat**

1. Kommunimut pilersaarummut tapiliussassatut siunnersuut 3A9-1 Nuussuup Manngua, Nuuk

## **Punkt 2: Kommunimut pilersaarummut tapiliussassatut siunnersuut 3B2-2, Inuussutissarsiteqarfik Nukappiakuluk, Nuuk**

### **Beslutning**

### **Bilag**

Tusarniaassummut akissuteqaatinik takkuttunik suliarinnineq

Tusarniaanermi akissutit

Kommunimut pilersaarummut tapiliussassatut 3B2-2, inuussutissarsiteqarfik Nukappiakuluk, Nuuk



## **Kommunimut pilersaarummut tapiliussassatut siunnersuut 3B2-2, Inuussutissarsiteqarfik Nukappiakuluk, Nuuk**

Inaarutaasumik aalajangiineq

Aalajangiiffigisassaq

SagsID.: EMN-2021-11122

Sanarfinermut Avatangiisinullu Ingerlatsivik – pisortaagallartoq Alex Nørskov / ALNS

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussaq 3B2-2 Nukappiakuluk, Nuuk akuersissutigineqassasoq
- suliaq akuersissutigisassanngorlugu Aningaasaqarnermut Inuussutissarsionermullu Ataatsimiititamut kiisalu inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

### **Suliassamik saqqummiussineq**

Kommunimut pilersaarummut tapiliussaq 3B2-2, Inuussutissarsiteqarfik Nukappiakuluk piffissami juunip 30-anniit aggustip 25-annut sapaatip-akunnerini 8-ni tamanut tusarniaassutigineqarnikuvoq. Tusarniaassutiginerani tusarniummut akissut ataaseq tiguneqarpoq, taannalu oqaaseqatigiinnik annikitsunik allannguuteqartitsinermik kinguneqarpoq.

Kommunimut pilersaarummut tapiliussassatut 3B2-2, Nuummi timmisartoqarfiup mittarfiata allilerneranut atatillugu iluarsiissutit tunngavigalugit suliarineqarpoq. Mittarfiup avannaatungaani aqquserngup allanngortinneqarnissaa naatsorsuutigineqarpoq, tassungalu ataatillugu immikkoortup ilaanut aqqut pilersinneqaqqissaaq.

Siuliini pineqartut malillugit iluarsiinissaq pillugu immikkoortup ilaanut killiliussat allanngortinneqarsimani pillugit nunaminertat atugassiissutigineqarsimasut matumuuna iluarsineqarput.

Immikkoortup atuuffii maannakkutut siunissami taamaaginnassapput, tassunga ilanngullugit suliffeqarfiit mingutsitsivallaartunut tunngasut (kapitali-5).

### **Ingerlatsivimmit aningaasatigut sulisoqarnikkullu naliliinerit**

Kommunimut pilersaarummut tapiliussassatut siunnersuut aningaasaqarnikkut kinguneqassanngilaq.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivik suliamut aningaasaqarnermut tunngasumik oqaaseqaatissaqanngilaq.

### **Inatsisitigut tunngavissaq allakkallu tunngaviummik uppersaatitalit**

- Pilersarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq aamma Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)



## **Ilanngussat**

1. Tusarniaassummut akissuteqaatinik takkuttunik suliarinnineq
2. Tusarniaanermi akissutit
3. Kommunitum pilersaarummut tapiliussassatut 3B2-2, inuusutissarsiteqarfik Nukappiakuluk, Nuuk

## **Punkt 3: Siunnersuut - 2D1, Nuussuup kujammut Nuua, Nuuk**

### **Bilag**

Aalajangersakkat pingaarnerit

Nunap assinga ilanngussaq



## Siunnersuut - 2D1, Nuussuup kujammut Nuua, Nuuk

Aalajangersakkat pingaarnertit nutaatut siunnersuut

Aalajangiiffigisassaq

SagsID.: ANL-2021-00009

Sanarfinermut Avatangiisinullu Ingerlatsivik – pisortaagallartoq Alex Nørskov /ALNS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititami inassuteqaatigaa:

- 2D1 Nuussuup kujammut nuuanut aalajangersakkat nutaatut siunnersuut akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuusutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

### Suliassamik saqqummiussineq

Sanarfinermut Avatangiisinullu Ingerlatsiviup 2D1 Nuussuup kujammut Nuua, Nuuk pillugu aalajangersakkat nutaat matumuuna saqqummiuppa. Immikkoortup ilaa 2D1 sukumiisumik aalajangersaatinik pilersaarusiorneqarnikuunngilaq.

Sanarfinermut Avatangiisinullu Ingerlatsivimmit immikkoortoq pingaarnertut D-tut atorneqassasoq nalilerneqarpoq. Kommunimut pilersaarut 2032 malillugu tulliuuttut atuupput:

*“Nunaminertat sanaartorfigeqqusaanngitsut nunaminertallu sunngiffimmi sammisassaqartitsinermi atortulersuutitallit, nunaminertat tamakku atorneqarnerini ingerlanneqarnerinilu atortulersuutit pisariaqartinneqartut eqqaassanngikkaanni, sanaartorfigineqassanngillat. Sanaartorfigeqqusinnginneq tamanna ilutsimi pingaarnermi aqqusinissatut, aqqusineerassatut, ledningeqarfissatut teknikkikkullu atortulersuuteqarfissatut - soorlu tele aqqutigalugu sumiissusersiutit, teknikkikkut nakkutilliissutit aamma sumiiffimmi aalisarnertut, piniarnertut sukisaarsarfittullu siunertat pisariaqartinneqartut - aallaavigineqartut piviusunngortinneqarnissaannut akornutaanngilaq.”*

Matumani aalajangersakkani nutaani immikkoortumi inissamik sinneruttoqanngilaq, tamannalu pillugu immikkoortumi sanaartortoqarsinnaanngilaq.

Siunnersuut tamanut tusarniaassutigineqassaaq sap. ak. 6-ini.

Matumani kommunimut pilersaarummut tapiliussatut siunnersuutip akuersissutigineqarneratigit pingaarnertut aalajangersakkat pioreersut atorunnaarsinneqassapput.

### Ingerlatsivimmit aningaasatigit sulisoqarnikkullu naliliinerit

Aalajangersakkanik pingaarnernik suliaqarneq aningaasaqarnikkut kinguneqassanngilaq.

### Suliffeqarfimmut Kiffartuussivimmit aningaasatigit naliliineq

Pisariaqanngilaq.

### Inatsisitigit tunngavissaq allakkallu tunngaviusumik uppernarsaatitallit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)



## **Ilangussaq**

1. Aalajangersakkat pingaarnert
2. Nunap assinga ilangussaq

## **Punkt 4: Kommunimut pilersaarummut tapiliussamut 4B7-1 Niaqornannguaq Nuuk siunnersuut**

**Beslutning**

**Bilag**

Kommunimut pilersaarummut tapiliussatut siunnersuut, 4B7-1 Niaqornannguaq, Nuuk

## **Kommunimut pilersaarummut tapiliussamut 4B7-1 Niaqornannguaq Nuuk siunnersuut**

Aalajangiiffigisassaq

SagsID.: EMN-2021-12694

Sanarfinermut Avatangiisinullu Ingerlatsivik – pisortaagallartoq Alex Nørskov / ALNS

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 4B7-1 Niaqornannguaq, Nuuk akuerineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Kommunimut pilersaarummut tapiliussatut siunnersuummi 4B7-1 Nuummi Atortussiassanik Suliaqarfik, juunip aallaqqaataanni 2021-imi kommunalbestyrelsimit pilersaarutitut siunnersuutitut akuersissutigineqartoq periarfissaalissaaq.

Pilersaarummut ilanngullugu immikkoortup ilaa 4B7 immikkoortinneqarpoq, tassanilu atortussiassanik suliaqarfimmik pilersitsisoqarsinnaavoq, ujaqqanik sioqqanillu tulaassuiffiullunilu nassiussisarfeqassalluni, aserorterveqassalluni aammalu atortussiassanik immikkoortiveriveqassalluni, atortussiassanillu assigiinngitsunik inaalitsiviussalluni. Atortussiassat inaalitsivinnut qarmakkanut immikkoortitigaassapput. Tamatuma saniatigut pilersaarummi umiarsualiviliornissaaq, illunillu ataasiakkaanik suliffeqarfimmut atasunik sananissaaq periarfissaalissaaq.

Immikkoortoq ullumikkut inuussutissarsiorfissatut umiarsualiviliorfissatullu immikkoortinneqarpoq, inissisimaffiatu mittarfittaassap eqqaaniinnera pissutigalugu, soorlu allaffeqarfiliorfissatut assigisaannillu tunngasunik inuussutissarsiuteqarfissatut naleqqutinngitsutut nalilerneqarpoq. Illoqarfiit pingaarnersaannut periusissiami kommunalbestyrelsip takorluukkatut oqaasertaliussaanut pilersaarut , aammalu Nuummi inuussutissarsiuteqarfiit katersuuffissaatut immikkoortinneqartumut pitsaasumik ilassutaasutut nalilerneqarpoq.

Kommunimut pilersaarummut tapiliussassatut siunnersuut sapaatit akunnerini arfineq-pingasuni tamanut tusarniaassutigineqassaaq, kingornalu politikikkut oqaluuserineqaqqissalluni. Pilersaarummut tapiliussaqa Kommunalbestyrelsimit inaarutaasumik akuersissutigineqassappat, nunaminertamik atuinissaaq sanaartornissamullu akuersissut tunniunneqassappat.

### **Ingerlatsivimmit aningaasatigut sulisoqarnikkullu naliliinerit**

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq. Sanaartugassatut qinnuteqaatip akuersissutigineqarneranut atatillugu nunaminertamik inniminniineq tunngavigalugu kommunimut pilersaarummut tapiliussaqa suliarineqarpoq.



Pilersaarutitut siunnersuummi sanaartorfissagissaanissaq il. il. pilersaarummik piginnittup akilissavaa.

### **Suliffeqarfimmut Kiffartuussivimmit aningaasatigut naliliineq**

Soqanngilaq.

### **Inatsisitigut tunngavissaq allakkallu tunngaviusumik uppersaatitallit**

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussat**

1. Kommunimut pilersaarummut tapiliussatut siunnersuut, 4B7-1 Niaqornannguaq, Nuuk

## **Punkt 5: Tasiilami illunik isaterinissaq**

### **Beslutning**

### **Bilag**

B-883 Tasiilamittoq pillugu illuatungerisamik tusarniaaneq aamma peqqussuteqarnissamik ilimasaaruteqarneq

B-1000 Tasiilamittoq pillugu illuatungerisamik tusarniaaneq aamma peqqussuteqarnissamik ilimasaaruteqarneq

## Tasiilami illunik isaterinissaq

Aalajangiiffigisassaq

SagsID.: ANL-2021-00006

Sanarfinermut Avatangiisinullu Ingerlatsivik – pisortaagallartoq Alex Nørskov / ALNS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Tasiilami illut B-883 aamma B-1000 isaterneqarnissaat akuersissutigineqassasoq
- Tasiilami B-883 aamma B-1000-ip isaternissaannut missingersuutini pioreersuni killiliussat iluanni aningaasaliissutinik nuussisoqarnissaa akuersissutigineqassasoq
- suliaq aalajangiiffigisassatut Aningaasaqarnermut Inuussutissarsiornermullu Ataatsimiititamut ingerlateqqinneqassasoq

### Suliassamik saqqummiussineq

Tasiilami illut arlallit ingerlatsiviup naliliinera naapertorlugu siunertanut atorneqarsinnaangitsutut isumaqarfigneqarput, illut isateriaannangorsimanera pissutigalugit.

Kommuneqarfik Sermersooq illoqarfimmi illunik pingasunik piginnittuuvoq, illut pitsaannginneri pissutigalugit tamarmik ukiuni arlaqartuni najorneqanngitsunik. Illut iluarsartuunnissaasa imminut akilersinnaangitsutut naatsorsuutigineqarmat, taamaattumik taakkua isaterneqarnissaat innersuussutigineqarpoq, taamaalillutik toqqavii siunertanut allanut siunissami atorneqarniassammata.

Erseqqinnerusumik oqaatigalugu matumani illut pineqartut tassaapput:

- B-883, arsaattarfiup isuata tungaani inissisimasoq
- B-1000, atuarfiup qulaani inissisimasoq

B-883-mut aamma B-1000-mut tunngatillugu Nunaminertanut oqartussaasoqarfiup nalilerpaa taakkua siunertaminnut atorneqarsinnaajunnaavissut, taamaattumillu Kommuneqarfik Sermersooq nunaminertamik atugassinneqarnermut akuersissutit inatsit malillugu inatsisinut naapertuuttunngortitsinissamik peqqusissummik pissarsivoq (Ilanngussaq 1 aamma 2).

Ingerlatsivik 2017-imi B-883-ip isaternissaanut neqerooruteqartitsinikuuvoq.

Neqerooruteqartitsinermi ataasiinnaq neqerooruteqartuuvoq, aningaasaliissutaasunit akisunerujussuarmik, taamaattumillu suliassaq taanna taamanikkut naammassineqanngitsoorluni. Taamanikkut neqerooruteqartitsinermi uppersaati atorneqarsimasut nutaamik neqerooruteqartitsinermi atoqqinneqarsinnaassapput.

### Ingerlatsivimmit aningaasatigut sulisoqarnikkullu naliliinerit

2021-mut sanaartugassanut missingersuutini akuersissutigineqartuniillu pineqartut isaterneqarnissaannut ilanngussisoqarnikuunngilaq, taamaattumillu ingerlatsivimmiit siunnersuutigineqarpoq ukioq manna missingersuutit iluannit illut pineqartut isaternissaannut atugassanik nassaartoqassasoq.

Illut allattorsimasut isaterneqarnissaannut missiliuusiornermi katillugit 3 mio. kr.-nik akeqarnissaat naatsorsuutigikannerneqarpoq. Taakkununga aningaasartuutit sanaartugassanut kontumit *0701034009 Attaveqarnermut sanaartorfissagissaanermullu aningaasaliissutit*-mit akilerneqarnissaat innersuussutigineqarpoq.

## **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivimmit oqaaseqartitsiniartoqanngilaq.

## **Inatsisitigut tunngavissaq allakkallu tunngaviusumik uppersaatitallit**

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq

## **Ilannussat**

1. B-883 Tasiilamiittoq pillugu illuatungerisamik tusarniaaneq aamma peqqussuteqarnissamik ilimasaaruteqarneq
2. B-1000 Tasiilamiittoq pillugu illuatungerisamik tusarniaaneq aamma peqqussuteqarnissamik ilimasaaruteqarneq

## **Punkt 6: Oqaluuserisassanut tapiliusseq: 2022-mi politikikkut ataatsimiiffissat**

### **Bilag**

Politisk mødekalender\_2022.xlsx

## **2022-mi politikikkut ataatsimiiffissat**

Aalajangiiffigisassaq

SagsID.: EMN-2021-11031

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

### **Inassuteqaat**

Suliffeqarfimmut Kiffartuussiviup Sanarfinermut Avatangiisinullu Ataatsimiititamut inassuteqaatigaa:

- ataatsimiititap 2022-mi ataatsimiiffissai akuerineqassasut

### **Suliassamik saqqummiussineq**

Aqutsinermut inatsimmi § 8-mi allaqqavoq ”Kommunalbestyrelse aalajangiisassaaq qaqugu sumilu ileqquumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqarnissaannut kommunalbestyrelse pisussaavoq.”

Sanarfinermut Avatangiisinullu Ataatsimiititap sisamanngornikkut nal. 14.00 ataatsimiittarnissaa siunnersuutigineqarpoq. 2022-mi ileqquumik ataatsimiinnerit arfineq pingasut ingerlanneqassapput.

Politikkikkut ataatsimiiffissat taamatullu ataatsimiinnerni oqaluuserisassat imaqarniiallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2022-mi politikikkut ataatsimiiffissat Naalackersuisunut nassiunneqassapput.

### **Ingerlatsiviup aningaasaqarnikkut sulisutigullu naliliinera**

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

### **Suliffeqarfimmut Kiffartuussivimmit oqaaseqaatit**

Suliffeqarfimmut Kiffartuussivimmit oqaaseqaateqartitsisoqanngilaq, Suliffeqarfimmulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut il.il. taakku naleqqussarneqarniassammata.

### **Inatsisitigut tunngavissaq allakkallu tunngaviusumik uppersaatitalit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

### **Ilanngussat**

1. 2022-mi politikikkut ataatsimiiffissatut siunnersuut siulleq

## **Punkt 7: Lukket**

## **Punkt 8: Lukket**

## **Punkt 9: Lukket**

## **Punkt 10: Lukket**

## **Punkt 11: Lukket**

## **Punkt 12: Lukket**

**Punkt .: Taasariaqartut allat**

**Punkt .: Imaqarniliap akuerineqarnera**